



Broj: 03/11-05-1-749/16
Sarajevo, 12.4.2016.

**Izveštaj sa sastanka Generalnog komiteta za društveni razvoj, obrazovanje,
istraživanje i nauku Parlamentarne skupštine SEECР-a,
Tirana, 8. i 9. april 2016.**

Član Delegacije Parlamentarne skupštine BiH u Parlamentarnoj skupštini Procesu saradnje u Jugoistočnoj Evropi (PSSEECР) Hanka Vajzović učestvovala je na sastanku Generalnog komiteta za društveni razvoj, obrazovanje, istraživanje i nauku PSSEECР-a, održanom 9. aprila u Tirani, u okviru bugarskog predsjedavanja ovom inicijativom. Komitet je razmatrao pitanja u vezi migrantskih kretanja u regionu.

Učesnicima sastanka, u uvodnom dijelu obratili su se, ministar za socijalno staranje i mlade u Vladi Republike Albanije Blendi Klosi i predsjednica pododbora za ljudska prava Skupštine Republike Albanije Vasilika Husi.

Na sastanku čija je tema bila: „Zaštita prava djece u pokretu- poziv za zaštitu djece migranata u regionu Jugoistočne Evrope; nedavni protok migranata“, članovi Komiteta su razgovarali o problemu koji preokupira region Jugoistočne Evrope, a posebno zemlje članice SEECР-a koje su na „Zapadno-balkanskoj ruti“.

Zbog oružanog sukoba kod kuće, što uključuje povrede ljudskih prava i siromaštvo, milioni djevojčica i dječaka napuštaju svoje države porijekla i uobičajeno prebivalište tražeći zaštitu od sukoba, nasilja, iskorištavanja, zlostavljanja i diskriminacije. Djeca u pokretu, posebno djeca koja nisu evidentirana i djeca bez pratnje mogu postati predmet trgovine ljudima i mogu biti fizički, seksualno i psihički zlostavljani. Ruta Zapadnog Balkana je često glavna ruta za izbjeglice i migrante na prelazu sa Mediterana prema Sjevernoj Evropi. Izbjeglice i djeca migranti u pokretu, po dolasku u naš region, trebaju imati zaštitu i brigu jednaku onoj koju imaju djeca državljani. U tom kontekstu, kada su prava djece u pitanju, uloga parlamenata postaje presudna. Parlament ima instrumente za kontrolu i podsticanje vlade na najbolje moguće prakse kada je riječ o zaštiti djece u pokretu.

Tokom rasprave, član Delegacije BiH Hanka Vajzović izjavila je da razumijemo patnju i probleme kroz koje prolaze migranti jer smo, nažalost, i sami prošli kroz te strahote u nedavnoj prošlosti. Naglasila je da Bosna i Hercegovina obavlja pripreme za prihvatanje izbjeglica, u skladu sa svojim

moogućnostima, iako se ne nalazimo na Zapadno- balkanskoj ruti migranata niti smo zanimljivi kao prostor za traženje azila ili duže zadržavanje migranata. Gđa Vajzović je istakla da podržavamo dalji razvoj sistema za zaštitu djece u zemljama naše regije koji zahtijeva veći broj kvalifikovanih stručnjaka, socijalnih radnika, učitelja i psihologa koji će pomoći djeci i pohvalila primjere dobre prakse koji dolaze iz Turske, Grčke i Srbije.

U Prijedlogu rezolucije, utvrđenom na sastanku, članice SEECP-a pozvane su da obezbijede svakom djetetu pristup efikasnim mjerama koje imaju za cilj njihovu međunarodnu zaštitu, da slučaj svakog djeteta posmatraju sa posebnom pažnjom i pristupom, poštujući razumne rokove, a sve to u interesu djece migranata. Sve članice su pozvane da urade više kako bi se izbjeglo nepotrebno zadržavanje djece, sa ili bez roditelja, po osnovu njihovog imigrantskog statusa i da se umjesto toga koriste najmanje restriktivne mjere koje su u najboljem interesu djece.

Takođe, članice SEECP-a su pozvane da po ubrzanom proceduri unaprijede i reformišu svoje sisteme koji se odnose na azil i obezbijede da uslovi u mjestima za prijem djece budu funkcionalni, adekvatno opremljeni i prilagođeni njihovom uzrastu.

Na kraju sastanka utvrđen je Prijedlog rezolucije u kojoj su sumirani zaključci kao i Prijedlog izvještaja, koji će biti proslijeđeni Parlamentarnoj skupštini SEECP-a na razmatranje i usvajanje.

Izvještaj pripremila
Parlamentarna koordinatorka
Jadranka Radović

Izvještaj odobrila
članica Generalnog komiteta PSSECP
Hanka Vajzović

Prilog:

- Prijedlog rezolucije
- Prijedlog izvještaja

Dostaviti:

- Kolegiju Doma naroda Parlamentarne skupštine BiH
- Kolegiju Predstavničkog doma Parlamentarne skupštine BiH
- Kolegiju Sekretarijata Parlamentarne skupštine BiH
- Komisiji za vanjske poslove Predstavničkog doma
- Komisiji za vanjsku i trgovinsku politiku, carine, saobraćaj i komunikacije Doma naroda
- Sektoru za odnose s javnošću
- a/a